

中阿含經



二百六十一
薄七

49358



佛曰塔觀
 山城州天安寺法金剛院置
 轉
 轉

地緣九
 年丙
 二月
 三
 堂
 脩

中阿含經卷第七

東晉罽賓三歲瞿曇僧伽提婆譯

薄

舍梨子相應品大拘絺羅經第九

初一日誦

我聞如是一時佛遊王舍城在竹林迦蘭哆園
爾時尊者舍梨子則於晡時從宴坐起至尊者大拘絺羅所共相問訊却坐一面尊者

舍梨子語尊者大拘絺羅我欲有所問聽我

問耶尊者大拘絺羅答曰尊者舍梨子欲問

便問我聞已當思尊者舍梨子問曰賢者大

拘絺羅頗有事因此事比丘成就見得正見

於法得不壞淨入正法耶答曰有也尊者舍

梨子謂有比丘知不善知不善根云何知不

善謂身惡行不善口意惡行不善是謂知不
善云何知不善根謂貪不善根恚癡不善根
是謂知不善根尊者舍梨子若有比丘如是
知不善及不善根者是謂比丘成就見得正
見於法得不壞淨入正法中尊者舍梨子聞
已嘆曰善哉善哉賢者大拘絺羅尊者舍梨
子嘆已歡喜奉行尊者舍梨子復問曰賢者
大拘絺羅頗更有事因此事比丘成就見得
正見於法得不壞淨入正法耶荅曰有也尊
者舍梨子謂有比丘知善知善根云何知善
謂身妙行善口意妙行善是謂知善云何知
善根謂無貪善根無恚無癡善根是謂知善

根尊者舍利子若有比丘如是知善知善根者是謂比丘成就見得正見於法得不壞淨入正法中尊者舍利子聞已歎曰善哉善哉賢者大拘絺羅尊者舍利子嘆已歡喜奉行尊者舍利子復問曰賢者大拘絺羅頗更有事因此事比丘成就見得正見於法得不壞

淨入正法耶答曰有也尊者舍利子謂有比丘知食如真知食習知食滅知食滅道如真云何知食如真謂有四食一者搏食鹿麋細二者更樂食三者意思食四者識食是謂知食如真云何知食習如真謂因愛便有食是謂知食習如真云何知食滅如真謂愛滅食便

滅是謂知食滅如真云何知食滅道如真謂
八支聖道正見乃至正定爲八是謂知食滅
道如真尊者舍利子若有比丘如是知食如
真知食習知食滅知食滅道如真者是謂比
丘成就見得正見於法得不壞淨入正法中
尊者舍利子聞已歎曰善哉善哉賢者大拘
絺羅尊者舍利子嘆已歡喜奉行尊者舍利
子復問曰賢者大拘絺羅頗更有事因此事
比丘成就見得正見於法得不壞淨入正法
耶荅曰有也尊者舍利子謂有比丘知漏如
真知漏習知漏滅知漏滅道如真云何知漏
如真謂有三漏欲漏有漏無明漏是謂知漏

如真云何知漏習如真謂因無明便有漏是
謂知漏習如真云何知漏滅如真謂無明滅
漏便滅是謂知漏滅如真云何知漏滅道如
真謂八支聖道正見乃至正定爲八是謂知
漏滅道如真尊者舍利子若有比丘如是知
漏如真知漏習知漏滅知漏滅道如真者是
謂比丘成就見得正見於法得不壞淨入正
法中尊者舍利子聞已歎曰善哉善哉賢者
大拘絺羅尊者舍利子嘆已歡喜奉行尊者
舍利子復問曰賢者大拘絺羅頗更有事因
此事比丘成就見得正見於法得不壞淨入
正法耶荅曰有也尊者舍利子謂有比丘知

苦如真知苦習知苦滅知苦滅道如真云何
知苦如真謂生苦老苦病苦死苦怨憎會苦
愛別離苦所求不得苦略五盛陰苦是謂知
苦如真云何知苦習如真謂因老死便有苦
是謂知苦習如真云何知苦滅如真謂老死
滅苦便滅是謂知苦滅如真云何知苦滅道
如真謂八支聖道正見乃至正定爲八是謂
知苦滅道如真尊者舍利子若有比丘如是
知苦如真知苦習知苦滅知苦滅道如真者
是謂比丘成就見得正見於法得不壞淨入
正法中尊者舍利子聞已歎曰善哉善哉賢
者大拘絺羅尊者舍利子嘆已歡喜奉行尊

者舍梨子復問曰賢者大拘締羅頗更有事
因此事比丘成就見得正見於法得不壞淨
入正法耶荅曰有也尊者舍梨子謂有比丘
知老死如真知老死習知老死滅知老死滅
道如真云何知老謂彼老耄頭白齒落盛壯
日衰身曲脚戾體重氣上拄杖而行肌縮皮
緩皴如麻子諸根毀熟顏色醜惡是名老也
云何知死謂彼衆生彼衆生種類命終無
常死喪散滅壽盡破壞命根閉塞是名死也
此說死前說老是名老死是謂知老死如真
云何知老死習如真謂因生便有老死是謂
知老死習如真云何知老死滅如真謂生滅

老死便滅是謂知老死滅如真云何知老死
滅道如真謂八支聖道正見乃至正定爲八
是謂知老死滅道如真尊者舍利子若有比
丘如是知老死如真知老死習知老死滅知
老死滅道如真者是謂比丘成就見得正見
於法得不壞淨入正法中尊者舍利子聞已

歎曰善哉善哉賢者大拘絺羅尊者舍利子
歎已歡喜奉行尊者舍利子復問曰賢者大
拘絺羅頗更有事因此事比丘成就見得正
見於法得不壞淨入正法耶荅曰有也尊者
舍利子謂有比丘知生如真知生習知生滅
知生滅道如真云何知生如真謂彼衆生彼

彼衆生種類生則生出則出成則成興報五
陰已得命根是謂知生如真云何知生習如
真謂因有便有生是謂知生習如真云何知
生滅如真謂有滅生便滅是謂知生滅如真
云何知生滅道如真謂八支聖道正見乃至
正定爲八是謂知生滅道如真尊者舍利子
若有比丘如是知生如真知生習知生滅知
生滅道如真者是謂比丘成就見得正見於
法得不壞淨入正法中尊者舍利子聞已嘆
曰善哉善哉賢者大拘絺羅尊者舍利子嘆
已歡喜奉行尊者舍利子復問曰賢者大拘
絺羅頗更有事因此事比丘成就見得正見

於法得不壞淨入正法耶荅曰有也尊者舍
梨子謂有比丘知有如真知有習知有滅知
有滅道如真云何知有如真謂有三有欲有
色有無色有是謂知有如真云何知有習如
真謂因受便有有是謂知有習如真云何知
有滅如真謂受滅有便滅是謂知有滅如真
云何知有滅道如真謂八支聖道正見乃至
正定爲八是謂知有滅道如真尊者舍梨子
若有比丘如是知有如真知有習知有滅知
有滅道如真者是謂比丘成就見得正見於
法得不壞淨入正法中尊者舍梨子聞已嘆
曰善哉善哉賢者大拘絺羅尊者舍梨子嘆

已歡喜奉行尊者舍梨子復問曰賢者大拘
絺羅頗更有事因此事比丘成就見得正見
於法得不壞淨入正法耶答曰有也尊者舍
梨子謂有比丘知受如真知受習知受滅知
受滅道如真云何知受如真謂有四受欲受
戒受見受我受是謂知受如真云何知受習如
真謂因愛便有受是謂知受習如真云何知
受滅如真謂愛滅受便滅是謂知受滅如真
云何知受滅道如真謂八支聖道正見乃至
正定爲八是謂知受滅道如真尊者舍梨子
若有比丘如是知受如真知受習知受滅知
受滅道如真者是謂比丘成就見得正見於

法得不壞淨入正法中尊者舍利子聞已嘆
曰善哉善哉賢者大拘絺羅尊者舍利子嘆
已歡喜奉行尊者舍利子復問曰賢者大拘
絺羅頗更有事因此事比丘成就見得正見
於法得不壞淨入正法耶荅曰有也尊者舍
梨子謂有比丘知愛如真知愛習知愛滅知
愛滅道如真云何知愛如真謂有三愛欲愛
色愛無色愛是謂知愛如真云何知愛習如
真謂因覺便有愛是謂知愛習如真云何知
愛滅如真謂覺滅愛便滅是謂知愛滅如真
云何知愛滅道如真謂八支聖道正見乃至
正定爲八是謂知愛滅道如真尊者舍利子

若有比丘如是知愛如真知愛習知愛滅知
愛滅道如真者是謂比丘成就見得正見於
法得不壞淨入正法中尊者舍利子聞已嘆
曰善哉善哉賢者大拘絺羅尊者舍利子嘆
已歡喜奉行尊者舍利子復問曰賢者大拘
絺羅頗更有事因此事比丘成就見得正見

於法得不壞淨入正法耶答曰有也尊者舍
梨子謂有比丘知覺如真知覺習知覺滅知
覺滅道如真云何知覺如真謂有三覺樂覺
苦覺不苦不樂覺是謂知覺如真云何知覺
習如真謂因更樂便有覺是謂知覺習如真
云何知覺滅如真謂更樂滅覺便滅是謂知

覺滅如真云何知覺滅道如真謂八支聖道
正見乃至正定爲八是謂知覺滅道如真尊
者舍梨子若有比丘如是知覺如真知覺習
知覺滅知覺滅道如真者是謂比丘成就見
得正見於法得不壞淨入正法中尊者舍梨
子聞已嘆曰善哉善哉賢者大拘絺羅尊者
舍梨子歎已歡喜奉行尊者舍梨子復問曰
賢者大拘絺羅頗更有事因此事比丘成就
見得正見於法得不壞淨入正法耶荅曰有
也尊者舍梨子謂有比丘知更樂如真知更
樂習知更樂滅知更樂滅道如真云何知更
樂如真謂有三更樂樂更樂苦更樂不苦不

樂更樂是謂知更樂如真云何知更樂習如
真謂因六處便有更樂是謂知更樂習如真
云何知更樂滅如真謂六處滅更樂便滅是
謂知更樂滅如真云何知更樂滅道如真謂
八支聖道正見乃至正定爲八是謂知更樂
滅道如真尊者舍利子若有比丘如是知更
樂如真知更樂習知更樂滅知更樂滅道如
真者是謂比丘成就見得正見於法得不壞
淨入正法中尊者舍利子聞已嘆曰善哉善
哉賢者大拘絺羅尊者舍利子歎已歡喜奉
行尊者舍利子復問曰賢者大拘絺羅頗更
有事因此事比丘成就見得正見於法得不

壞淨入正法耶。荅曰：有也。尊者舍梨子謂有比丘知六處，如真知六處，習知六處，滅知六處。滅道如真云：何知六處？如真謂眼處、耳、鼻、舌、身、意處，是謂知六處。如真云：何知六處？習如真謂因名、色，便有六處，是謂知六處。習如真云：何知六處？滅如真謂名、色滅，六處便滅。是謂知六處。滅如真云：何知六處？滅道如真謂八支聖道，正見乃至正定爲八，是謂知六處。滅道如真尊者舍梨子若有比丘如是知六處，如真知六處，習知六處，滅知六處，滅道如真者，是謂比丘成就見得正見於法，得不壞淨入正法中尊者舍梨子聞已歎曰：善哉。

善哉賢者大拘絺羅尊者舍梨子歎已歡喜
奉行尊者舍梨子復問曰賢者大拘絺羅頗
更有事因此事比丘成就見得正見於法得
不壞淨入正法耶荅曰有也尊者舍梨子謂
有比丘知名色如真知名色習知名色滅知
名色滅道如真云何知名謂四非色陰爲名
云何知色謂四大及四大造爲色此說色前
說名是爲名色是謂知名色如真云何知名
色習如真謂因識便有名色是謂知名色習
如真云何知名色滅如真謂識滅名色便滅
是謂知名色滅如真云何知名色滅道如真
謂八支聖道正見乃至正定爲八是謂知名

色滅道如真尊者舍梨子若有比丘如是知
名色如真知名色習知名色滅知名色滅道
如真者是謂比丘成就見得正見於法得不
壞淨入正法中尊者舍梨子聞已嘆曰善哉
善哉賢者大拘絺羅尊者舍梨子歎已歡喜
奉行尊者舍梨子復問曰賢者大拘絺羅頗
更有事因此事比丘成就見得正見於法得
不壞淨入正法耶荅曰有也尊者舍梨子謂
有此丘知識如真知識習知識滅知識滅道
如真云何知識如真謂有六識眼識耳鼻舌
身意識是謂知識如真云何知識習如真謂
因行便有識是謂知識習如真云何知識滅

如真謂行滅識便滅是謂知識滅如真云何
知識滅道如真謂八支聖道正見乃至正定
爲八是謂知識滅道如真尊者舍利子若有
比丘如是知識如真知識習知識滅知識滅
道如真者是謂比丘成就見得正見於法得
不壞淨入正法中尊者舍利子聞已歎曰善
哉善哉賢者大拘絺羅尊者舍利子嘆已歡
喜奉行尊者舍利子復問曰賢者大拘絺羅
頗更有事因此事比丘成就見得正見於法
得不壞淨入正法耶荅曰有也尊者舍利子
謂有比丘知行如真知行習知行滅知行滅
道如真云何知行如真謂有三行身行口行

意行是謂知行如真云何知行習如真謂因
無明便有行是謂知行習如真云何知行滅
如真謂無明滅行便滅是謂知行滅如真云
何知行滅道如真謂八支聖道正見乃至正
定爲八是謂知行滅道如真尊者舍梨子若
有比丘如是知行如真知行習知行滅知行
滅道如真者是謂比丘成就見得正見於法
得不壞淨入正法中尊者舍梨子聞已嘆曰
善哉善哉賢者大拘絺羅尊者舍梨子歎已
歡喜奉行尊者舍梨子復問曰賢者大拘絺
羅若有比丘無明已盡明已生復作何等尊
者大拘絺羅答曰尊者舍梨子若有比丘無

明已盡明已生無所復作尊者舍梨子聞已
歎曰善哉善哉賢者大拘絺羅如是彼二尊
更牙說義各歡喜奉行從座起去

大拘絺羅經第九竟

中阿含舍梨子相應品烏跡喻經第十

初一日誦

我聞如是一時佛遊舍衛國在勝林給孤獨
園尔時尊者舍梨子告諸比丘諸賢若有無
量善法彼一切法皆四聖諦所攝來入四聖
諦中謂四聖諦於一切法最爲第一所以者
何攝受一切衆善法故諸賢猶如諸畜之跡
烏跡爲第一所以者何彼烏跡者最廣大故

如是諸賢無量善法彼一切法皆四聖諦所攝來入四聖諦中謂四聖諦於一切法最爲第一云何爲四謂苦聖諦苦習苦滅苦滅道聖諦諸賢云何苦聖諦謂生苦老苦病苦死苦怨憎會苦愛別離苦所求不得苦略五盛陰苦諸賢云何五盛陰謂色盛陰覺想行識盛陰諸賢云何色盛陰謂有色彼一切四大及四大造諸賢云何四大謂地界水火風界諸賢云何地界諸賢謂地界有二有內地界有外地界諸賢云何內地界謂內身中在內所攝堅豎性住內之所受此爲云何謂髮毛爪齒塵網皮膚肌肉筋骨心腎肝脾肺腸胃

糞如是比此身中餘在內所攝堅堅性住內之所受諸賢是謂內地界諸賢外地界者謂大是淨是不憎惡是諸賢有時水災是時滅外地界諸賢此外地界極大極淨極不憎惡是無常法盡法衰法變易之法況復此身暫住為愛所受謂不多聞愚癡凡夫而作此念

是我是我我所我是彼所多聞聖弟子不作此念是我是我我所我是彼所彼云何作是念若有他人罵詈捶打瞋恚責數者彼作是念我生此苦從因緣生非無因緣云何為緣緣苦更樂彼觀此更樂無常觀覺想行識無常彼心緣界住止合一心定不移動彼於後時他

人來語柔辭軟言者彼作是念我生此樂從
因緣生非無因緣云何爲緣緣樂更樂彼觀
此更樂無常觀覺想行識無常彼心緣界住
止合一心定不移動彼於後時若幼少中年
長老來行不可事或以拳扱或以石擲或刀
杖加彼作是念我受此身色法麤質四大之
種從父母生飲食長養常衣被覆坐卧按摩
澡浴強忍是破壞法是滅盡法離散之法我
因此身致拳扱石擲及刀杖加由是之故彼
極精勤而不懈怠正身正念不忘不癡安定
一心彼作是念我極精勤而不懈怠正身正
念不忘不癡安定一心我受此身應致拳扱

石擲及刀杖加但當精勤學世尊法諸賢世
尊亦如是說若有賊來以利刀鋸節節解身
若汝爲賊以利刀鋸節節解身時或心變易
或惡語言者汝則衰退汝當作是念若有賊
來以利刀鋸節節解我身者因此令我心不
變易不惡語言當爲彼節節解我身者起哀
愍心爲彼人故心與慈俱遍滿一方成就遊
如是二三四四方四維上下普周一切心與慈
俱無結無怨無恚無諍極廣甚大無量善修
遍滿一切世間成就遊諸賢彼此比丘若因佛
法衆不住善相應捨者諸賢彼此比丘應慙愧
羞厭我於利無利於德無德謂我因佛法衆

不住善相應捨諸賢猶如初迎新婦見其姑
嫜若見夫主則慙愧羞馱諸賢當知比丘亦
復如是應慙愧羞馱我於利無利於德無德
謂我因佛法衆不住善相應捨彼因慙愧羞
馱故便住善相應捨是妙息寂謂捨一切有
離受無欲滅盡無餘諸賢是謂比丘一切大
學諸賢云何水界諸賢謂水界有二有內水
界有外水界諸賢云何內水界謂內身中在
內所攝水水性潤內之所受此爲云何謂腦
腦根淚汗涕唾膿血肪髓涎膽小便如是比
此身中餘在內所攝水水性潤內之所受諸
賢是謂內水界諸賢外水界者謂大是淨是

不憎惡是謂諸賢有時火災是時滅外水界
諸賢此外水界極大極淨極不憎惡是無常
法盡法衰法變易之法況復此身暫住為愛
所受謂不多聞愚癡凡夫而作此念是我是
我所我是彼所多聞聖弟子不作此念是我
是我所我是彼所彼云何作是念若有他人
罵詈捶打瞋恚責數者便作是念我生此苦
從因緣生非無因緣云何為緣緣苦更樂彼
觀此更樂無常觀覺想行識無常彼心緣界
住止合一心定不移動彼於後時他人來語
柔辭軟言者彼作是念我生此樂從因緣生
非無因緣云何為緣緣樂更樂彼觀此更樂

無常觀覺想行識無常彼心緣界住止合一
心定不移動彼於後時若幼少中年長老來
行不可事或以拳扱或以石擲或刀杖加彼
作是念我受此身色法麤質四大之種從父
母生飲食長養常衣被覆坐卧按摩澡浴強
忍是破壞法是滅盡法離散之法我因此身

致拳扱石擲及刀杖加由是之故彼極精勤
而不懈怠正身正念不忘不癡安定一心彼
作是念我極精勤而不懈怠正身正念不忘
不癡安定一心我受此身應致拳扱石擲及
刀杖加但當精懃學世尊法諸賢世尊亦如
是說若有賊來以利刀鋸節節解身若彼爲

賊以利刀鋸節節解身時或心變易或惡語
言者汝則衰退汝當作是念若有賊來以利
刀鋸節節解我身者因此令我心不變易不
惡語言當為彼節節解我身者起哀愍心為
彼人故心與慈俱遍滿一方成就遊如是二
三四方四維上下普周一切心與慈俱無結
無怨無恚無諍極廣甚大無量善修遍滿一
切世間成就遊諸賢彼比丘若因佛法衆不
住善相應捨者諸賢彼比丘應慚羞馱我
於利無利於德無德謂我因佛法衆不住善
相應捨諸賢猶如初迎新婦見其姑嫜若見
夫主則慙愧羞馱諸賢當知比丘亦復如是

應慚愧羞馱我於利無利於德無德謂我因
佛法衆不住善相應捨彼因慙愧羞馱故便
住善相應捨是妙息寂謂捨一切有離愛無
欲滅盡無餘諸賢是謂比丘一切大學諸賢
云何火界諸賢謂火界有二有內火界有外火
界諸賢云何內火界謂內身中在內所攝火火
性熱內之所受此爲云何謂暖身熱身煩悶
溫壯消化飲食如是比此身中餘在內所攝
火火性熱內之所受諸賢是謂內火界諸賢
外火界者謂火是淨是不憎惡是諸賢有時
外火界起起已燒村邑城郭山林曠野燒彼
已或至道至水無受而滅諸賢外火界滅後

人民求火或鑽木截竹或以珠燧諸賢此外
火界極大極淨極不憎惡是無常法盡法衰
法變易之法況復此身暫任為愛所受謂不
多聞愚癡凡夫而作此念是我是我所我是
彼所多聞聖弟子不作此念是我是我所我
是彼所彼云何作是念若有他人罵詈捶打
瞋恚責數者便作是念我生此苦從因緣生
非無因緣云何為緣緣苦更樂彼觀此更樂
無常觀覺想行識無常彼心緣界住止合一
心定不移動彼於後時他人來語柔辭更言
者彼作是念我生此樂從因緣生非無因緣
云何為緣緣樂更樂彼觀此更樂無常觀覺

想行識無常彼心緣界任止合一心定不移
動彼於後時若幼少中年長老來行不可事
或以拳杖或以石擲或刀杖加彼作是念我
受此身色法麤質四大之種從父母生飲食
長養常衣被覆坐卧按摩澡浴強忍是破壞
法是滅盡法離散之法我因此身致拳杖石
擲及刀杖加由是之故彼極精勤而不懈怠
正身正念不忘不癡安定一心彼作是念我
極精勤而不解怠正身正念不忘不癡安定
一心我受此身應致拳杖石擲及刀杖加但
當精勤學世尊法諸賢世尊亦如是說若有
賊來以利刀鋸節節解身若汝爲賊以利刀

鋸節節解身時或心變易或惡語言者汝則
衰退汝當作是念若有賊來以利刀鋸節節
解我身者因此令我心不變易不惡語言當
爲彼節節解我身者起哀愍心爲彼人故心
與慈俱遍滿一方成就遊如是二三四方四
維上下普周一切心與慈俱無結無怨無恚

無諍極廣甚大無量善修遍滿一切世間成
就遊諸賢彼比丘若因佛法衆不住善相應
捨者諸賢彼比丘應慚愧羞馱我於利無利
於德無德謂我因佛法衆不住善相應捨諸
賢猶如初迎新婦見其姑嫜若見夫主則慙
愧羞馱諸賢當知比丘亦復如是應慚愧羞

獸我於利無利於德無德謂我因佛法衆不
住善相應捨彼因慙愧羞獸故便住善相應
捨是妙息寂謂捨一切有離愛無欲滅盡無
餘諸賢是謂比丘一切大學諸賢云何風界
諸賢謂風界有二有內風界有外風界諸賢
云何內風界謂內身中在內所攝風風性動
內之所受此為云何謂上風下風腹風行風
掣縮風刀風楚風非道風節節行風息出風
息入風如是比此身中餘在內所攝風風性
動內之所受諸賢是謂內風界諸賢外風界
者諸大是淨是不憎惡是諸賢有時外風界
起風界起時發屋拔樹崩山山巖發已便止

纖毫不動諸賢外風界止後人民求風或以
其扇或以多羅葉或以衣求風諸賢此風界
極大極淨極不憎惡是無常法盡法衰法變
易之法況復此身暫住為愛所受謂不多聞
愚癡凡夫而作此念是我是我所我是彼所
多聞聖弟子不作此念是我是我所我是彼
所彼云何作是念若有他人罵詈捶打瞋恚
責數者便作是念我生此苦從因緣生非無
因緣云何為緣緣苦更樂彼觀此更樂無常
觀覺想行識無常彼心緣界住止合一心定
不移動彼於後時他人來語柔辭更言者彼
作是念我生此樂從因緣生非無因緣云何

為緣緣樂更樂彼觀此更樂無常觀覺想行
識無常彼心緣界任止合一心定不移動彼
於後時若幼少中年長老來行不可事或以
拳扱或以石擲或刀杖加彼作是念我受此
身色法麤質四大之種從父母生飲食長養
常衣被覆坐卧按摩澡浴強忍是破壞法是
滅盡法離散之法我因此身致拳扱石擲及
刀杖加由是之故彼極精勤而不懈怠正身
正念不忘不癡安定一心彼作是念我極精
勤而不懈怠正身正念不忘不癡安定一心
我受此身應致拳扱石擲及刀杖加但當精
勤學世尊法諸賢世尊亦如是說若有賊來

以利刀鋸節節解身若汝爲賊以利刀鋸節
節解身時或心變易或惡語言者汝則衰退
汝當作是念若有賊來以利刀鋸節節解我
身者因此令我心不變易不惡語言當爲彼
節節解我身者起哀愍心爲彼人故心與慈
俱遍滿一方成就遊如是二三四方四維上
下普周一切心與慈俱無結無怨無志無諍
極廣甚大無量善修遍滿一切世間成就遊
諸賢彼比丘若因佛法衆不任善相應捨者
諸賢彼比丘應慙愧羞馱我於利無利於德
無德謂我因佛法衆不任善相應捨諸賢猶
如初迎新婦見其姑嫜若見夫主則慚愧羞

獸諸賢當知比丘亦復如是應慙羞獸我
於利無利於德無德謂我因佛法衆不任善
相應捨彼因慙愧羞獸故便任善相應捨是
妙息寂謂捨一切有離愛無欲滅盡無餘諸
賢是謂比丘一切大學諸賢猶如因材木因
泥土因水草覆裹於空便生屋名諸賢當知

此身亦復如是因筋骨因皮膚因肉血纏裹
於空便生身名諸賢若內眼處壞者外色便
不為光明所照則無有念眼識不得生諸賢
若內眼處不壞者外色便為光明所照而便
有念眼識得生諸賢內眼處及色眼識知外
色是屬色陰若有覺是覺陰若有想是想陰

若有思是思陰若有識是識陰如是觀陰合
會諸賢出世尊亦如是說若見緣起便見法若
見法便見緣起所以者何諸賢出世尊說五盛
陰從因緣生色盛陰覺想行識盛陰諸賢若
內耳鼻舌身意處壞者外法便不為光明所
照則無有念意識不得生諸賢若內意處不
壞者外法便為光明所照而便有念意識得
生諸賢內意處及法意識知外色法是屬色
陰若有覺是覺陰若有想是想陰若有思是
思陰若有識是識陰如是觀陰合會諸賢出
尊亦如是說若見緣起便見法若見法便見
緣起所以者何諸賢出世尊說五盛陰從因緣

生色盛陰覺想行識盛陰彼獸此過去未來
現在五盛陰獸已便無欲無欲已便解脫解
脫已便知解脫生已盡梵行已立所作已辦
不更受有知如真諸賢是謂比丘一切大學
尊者舍梨子所說如是彼諸比丘聞尊者舍
梨子所說歡喜奉行

爲跡喻經第十竟

甲阿含舍梨子相應品分別聖諦經第十一

初一日誦

我聞如是一時佛遊舍衛國在勝林給孤獨
園尔時世尊告諸比丘此是正行說法謂四
聖諦廣攝廣觀分別發露開仰施設顯示趣

向過去諸如來無所著等正覺彼亦有此正
行說法謂四聖諦廣攝廣觀分別發露開仰
施設顯示趣向未來諸如來無所著等正覺
彼亦有此正行說法謂四聖諦廣攝廣觀分
別發露開仰施設顯示趣向我今現如來無
所著等正覺亦有此正行說法謂四聖諦廣
攝廣觀分別發露開仰施設顯示趣向舍利
子比丘聰慧速慧捷慧利慧廣慧深慧出要
慧明達慧辯才慧舍利子比丘成就實慧所
以者何謂我略說此四聖諦舍利子比丘則
能為他廣教廣觀分別發露開仰施設顯現
趣向舍利子比丘廣教廣示此四聖諦分別

發露開仰施設顯現趣向時令無量人而得
於觀舍梨子比丘能以正見為導御也目捷
連比丘能令立於最上真際謂究竟漏盡舍
梨子比丘生諸梵行猶如生母目連比丘長
養諸梵行猶如養母是以諸梵行者應奉事
供養恭敬禮拜舍梨子目捷連比丘所以者
何舍梨子目捷連比丘為諸梵行者求義及
饒益求安隱快樂亦時世尊說如是已即從
座起入室宴坐於是尊者舍梨子告諸比丘
諸賢世尊為我等出世謂為他廣教廣示此
四聖諦分別發露開仰施設顯現趣向云何
為四謂苦聖諦苦習苦滅苦滅道聖諦諸賢

云何苦聖諦謂生苦老苦病苦死苦怨憎會
苦愛別離苦所求不得苦略五盛陰苦諸賢
說生苦者此說何因諸賢生者謂彼衆生彼
彼衆生種類生則生出則出成則成興起五
陰已得命根是名爲生諸賢生苦者謂衆生
生時身受苦受遍受覺遍覺心受苦受遍受
覺遍覺身心受苦受遍受覺遍覺身熱受遍
受覺遍覺心熱受遍受覺遍覺身心熱受遍
受覺遍覺身壯熱煩惱憂感受遍受覺遍覺
心壯熱煩惱憂感受遍受覺遍覺身心壯熱
煩惱憂感受遍受覺遍覺諸賢說生苦者因
此故說諸賢說老苦者此說何因諸賢老苦者

謂彼衆生彼彼衆生種類彼為老耄頭白齒
落盛壯日衰身曲脚戾體重氣上拄杖而行
肌縮皮緩皺如麻子諸根毀熟顏色醜惡是
名為老諸賢老苦者謂衆生老時身受苦受
遍受覺遍覺心受苦受遍受覺遍覺身心受
苦受遍受覺遍覺身熱受遍受覺遍覺心熱
受遍受覺遍覺身心熱受通受覺遍覺身壯
熱煩惱憂感受遍受覺遍覺心壯熱煩惱憂
感受遍受覺遍覺身心壯熱煩惱憂感受遍
受覺遍覺諸賢說老苦者因此故說諸賢說
病苦者此說何因諸賢病者謂頭痛眼痛耳
痛鼻痛面痛脣痛齒痛舌痛齦痛咽痛風喘

欬嗽喝吐喉痺癩癩癰癭經溢赤膽壯熱枯
槁痔瘻下痢若有如是比餘種種病從更樂
觸生不離心立在身中是名爲病諸賢病苦
者謂衆生病時身受苦受遍受覺遍覺心受
苦受遍受覺遍覺身心受苦受遍受覺遍覺
身熱受遍受覺遍覺心熱受遍受覺遍覺身
心熱受遍受覺遍覺身壯熱煩惱憂感受遍
受覺遍覺心壯熱煩惱憂感受遍受覺遍覺
身心壯熱煩惱憂感受遍受覺遍覺諸賢說
病苦者因此故說諸賢說死苦者此說何因
諸賢死者謂彼衆生彼彼衆生種類命終無
常死喪散滅壽盡破壞命根閉塞是名爲死

諸賢死苦者謂衆生死時身受苦受遍受覺
遍覺心受苦受遍受覺遍覺身心受苦受遍
受覺遍覺身熱受遍受覺遍覺心熱受遍受
覺遍覺身心熱受遍受覺遍覺身壯熱煩惱
憂感受遍受覺遍覺心壯熱煩惱憂感受遍
受覺遍覺身心壯熱煩惱憂感受遍受覺遍
覺諸賢說死苦者因此故說諸賢說怨憎會
苦者此說何因諸賢怨憎會者謂衆生實有
內六處不愛眼處耳鼻舌身意處彼同會一
有攝和習共合爲苦如是外處更樂覺想思
愛亦復如是諸賢衆生實有六界不愛地界
水火風空識界彼同會一有攝和習共合爲

苦是名怨憎會諸賢怨憎會苦者謂衆生怨
憎會時身受苦受遍受覺遍覺心受苦受遍
受覺遍覺身心受苦受遍受覺遍覺諸賢說
怨憎會苦者因此故說諸賢說愛別離苦者
此說何因諸賢愛別離苦者謂衆生實有內六
處愛眼處耳鼻舌身意處彼異分散不得相
應別離不會不攝不習不和合爲苦如是外
處更樂覺想思愛亦復如是諸賢衆生實有
六界愛地界水火風空識界彼異分散不得
相應別離不會不攝不習不和合爲苦是名
愛別離諸賢愛別離苦者謂衆生別離時身
受苦受遍受覺遍覺心受苦受遍受覺遍覺

身心受苦受遍受覺遍覺諸賢說愛別離苦者因此故說諸賢說所求不得苦者此說何因諸賢謂衆生生法不離生法欲得令我而不生者此實不可以欲而得老法死法愁憂感法不離憂感法欲得令我不憂感者此亦不可以欲而得諸賢衆生實生苦而不可樂不可愛念彼作是念若我生苦而不可樂不可愛念者欲得轉是令可愛念此亦不可以欲而得諸賢衆生實生樂而可愛念彼作是念若我生樂可愛念者欲得令是常恒久住不變易法此亦不可以欲而得諸賢衆生實生思想而不可樂不可愛念彼作是念若我

生思想而不可樂不可愛念者欲得轉是令
可愛念此亦不可以欲而得諸賢衆生實生
思想而可愛念彼作是念若我生思想可愛
念者欲得令是常恒久住不變易法此亦不
可以欲而得諸賢說所求不得苦者因此故
說諸賢說略五盛陰苦者此說何因謂色盛
陰覺想行識盛陰諸賢說略五盛陰苦者因
此故說諸賢過去時是苦聖諦未來現在時
是苦聖諦真諦不虛不離於如亦非顛倒真
諦審實合如是諦聖所有聖所知聖所見聖
所了聖所得聖所等正覺是故說苦聖諦諸
賢云何愛習苦習聖諦謂衆生實有愛內六

處眼處耳鼻舌身意處於中若有愛有膩有
染有著者是名爲習諸賢多聞聖弟子知我
如是知此法如是見如是了如是視如是覺
是謂愛習苦習聖諦如是知之云何知耶若
有愛妻子奴婢給使眷屬田地屋宅店肆出
息財物爲所作業有愛有膩有染有著者是
名爲習彼知此愛習苦習聖諦如是外處更
樂覺想思愛亦復如是諸賢衆生實有愛六
界地界水火風空識界於中若有愛有膩有
染有著者是名爲習諸賢多聞聖弟子知我
如是知此法如是見如是了如是視如是覺
是謂愛習苦習聖諦如是知之云何知耶若有

愛妻子奴婢給使眷屬田地屋宅店肆出息
財物爲所作業有愛有贓有染有著者是名
爲習彼知是愛習苦習聖諦諸賢過去時是
愛習苦習聖諦未來現在時是愛習苦習聖
諦真諦不虛不離於如亦非顛倒真諦審實
合如是諦聖所有聖所知聖所見聖所了聖
所得聖所等正覺是故說愛習苦習聖諦諸
賢云何愛滅苦滅聖諦謂衆生實有愛內六
處眼處耳鼻舌身意處彼若解脫不染不著
斷捨吐盡無欲滅止沒者是名苦滅諸賢多
聞聖弟子知我如是知此法如是見如是了
如是視如是覺是謂愛滅苦滅聖諦如是知

之云何知耶若有不愛妻子奴婢給使眷屬
田地屋宅店肆出息財物不爲所作業彼若
解脫不染不著斷捨吐盡無欲滅止沒者是
名苦滅彼知是愛滅苦滅聖諦如是外處更
樂覺想思愛亦復如是諸賢衆生實有愛六
界地界水火風空識界彼若解脫不染不著
斷捨吐盡無欲滅止沒者是名苦滅諸賢多
聞聖弟子知我如是知此法如是見如是了
如是視如是覺是謂愛滅苦滅聖諦如是
知之云何知耶若有不愛妻子奴婢給使眷
屬田地屋宅店肆出息財物不爲所作業彼若
解脫不染不著斷捨吐盡無欲滅止沒者是名

苦滅彼知是愛滅苦滅聖諦諸賢過去時是
愛滅苦滅聖諦未來現在時是愛滅苦滅聖
諦真諦不虛不離於如亦非顛倒真諦審實
合如是諦聖所有聖所知聖所見聖所了聖
所得聖所等正覺是故說愛滅苦滅聖諦諸
賢云何苦滅道聖諦謂正見正志正語正業

正命正方便正念正定諸賢云何正見謂聖
弟子念苦是苦時習是習滅是滅念道是道
時或觀本所作或學念諸行或見諸行災患
或見涅槃止息或無著念觀善心解脫時於
中擇遍擇史擇擇法視遍視觀察明達是名
正見諸賢云何正志謂聖弟子念苦是苦時

習是習滅是滅念道是道時或觀本所作或
學念諸行或見諸行災患或見涅槃止息或
無著念觀善心解脫時於中心伺遍伺隨順
伺可念則念可望則望是名正志諸賢云何
正語謂聖弟子念苦是苦時習是習滅是滅
念道是道時或觀本所作或學念諸行或見
諸行災患或見涅槃止息或無著念觀善心
解脫時於中除口四妙行諸餘口惡行遠離
除斷不行不作不合不會是名正語諸賢云
何正業謂聖弟子念苦是苦時習是習滅是
滅念道是道時或觀本所作或學念諸行或
見諸行災患或見涅槃止息或無著念觀善

心解脫時於中除身三妙行諸餘身惡行遠
離除斷不行不作不合不會是名正業諸賢
云何正命謂聖弟子念苦是苦時習是習滅
是滅念道是道時或觀本所作或學念諸行或
見諸行災患或見涅槃止息或無著念觀善
心解脫時於中非無理求不以多欲無厭足
不爲種種技術呪說邪命活但以法求衆不
以非法亦以法求食牀座不以非法是名正
命諸賢云何正方便謂聖弟子念苦是苦時
習是習滅是滅念道是道時或觀本所作或
學念諸行或見諸行災患或見涅槃止息或
無著念觀善心解脫時於中若有精進方便

一向精勤求有力趣向專著不捨亦不衰退
正伏其心是名正方便諸賢云何正念謂聖
弟子念苦是苦時習是習滅是滅念道是道
時或觀本所作或學念諸行或見諸行災患
或見涅槃止息或無著念觀善心解脫時於
中若念順念背不向念念遍念憶復憶心正
不恚心之所應是名正念諸賢云何正定謂
聖弟子念苦是苦時習是習滅是滅念道是
道時或觀本所作或學念諸行或見諸行災
患或見涅槃止息或無著念觀善心解脫時
於中若心住禪住順住不亂不散攝止止定
是名正定諸賢過去時是苦滅道聖諦未來

現在時是苦滅道聖諦真如諦不虛不離於
如亦非顛倒真諦審實合如是諦聖所有聖
所知聖所見聖所了聖所得聖所等正覺是
故說苦滅道聖諦於是頌曰
佛明達諸法 見無量善德
善顯現分別 苦習滅道諦

尊者舍利子所說如是彼諸比丘聞尊者舍
梨子所說歡喜奉行

分別聖諦經第十一竟

中阿含舍梨子相應品第三竟

初一日誦

中阿含經卷第七

薄

數

音責

奉

扱

反以上巨負反下

也

佳

鋸

音據

方

音方

脂

涎膽

上似連反
下丁敢反
肝

液也

姑嫜

下音

鑽

反子宮

燧

音遂火
母也

掣縮反
上昌列

反又昌設
正作掣

齧

上吾各反
正作齒

齧

楚

反子

六

音煙

喘

反尺

息軟

喝吐

上聲

也又

界反

嘶

喉

痺

下音

義去合

作開

一塞

也應

師

欬嗽

上聲

也又

渴也

癩

癩

癩

二字音
開小兒病

癰癭

上紆

恭反

項

下瘡

癩也

溢

夷一

反

祛
考下音

痔瘡

上直

里反

下部

病也

正作

臍

臍

臍

臍

